

甲

653.811
1044
1:2

會澤首義文牘

上冊

653.811/1044/1:2

再造共和唐會澤大事記

墨江楓漁庾恩陽著

本書專述唐會澤光復雲南再造共和鎮撫滇黔經畫
華夏及其家世學術操履諸端挿印會澤自少年以來
肖像多種經文學泰斗章太炎梁任公及名流岑西林
趙樾村谷九峰張鎔西陳舜卿呂載之羅鎔軒李印泉
由夔舉諸先生叙題凡欲知會澤爲人之生平會澤與
民國之關係並崇拜會澤者不可不人手一編也全書
約二萬言洋裝布皮金字一冊已於陽歷四月出版價
目另定

總發行所雲南圖書館
代售處全國各大書坊

序辭

西哲有言英雄者爲時勢而動者也。然則動而非時與。值其時而不動者皆非英雄可知矣。當帝制發生羣情惶惑天下洶洶盼有人焉出而發難以恢復我四萬萬人。澣血流膏所獲之民主共和。然而東南富庶之區中原形勝之地卒音響寂沉不聞一言以申大義者。無他利害之見深。身家之念重。而國家之念輕也。會澤處邊方瘠僻之區。值項城待遇優厚之際。但緘默一時。甯不能取金印如斗。大尊顯閭里。榮長子孫。乃一旦棄之如敝屣。視之如弁髦。反以荆棘在前。喪亡在後。爲稱心而行之事。磊磊落落義不返顧。英雄之行事乃真令人不可測也。方事之殷。滇力孤危。日甚嘗試以言探公意。謂事苟破敗。將若何。公曰。余計之已熟。他省不響應。當以一省抗之一省。不能敵。當以一隅抗之。究其極。余犧牲一家。犧牲一身已耳。甯爲袁粲死。不作褚淵生也。嗚呼。息壤在彼。幸鐘簾之未移。風景不殊。悵河山之有異。今幾日耳。而時勢艱難。政治焚亂。大好家居。行見爲人撞壞。會澤之智亦會澤之愚。會澤之功抑亦會澤之罪也。讀會澤文牘者可以憬然矣。前雲南都督府秘書廳識。

唐會澤玉照



雲南督軍兼省長唐公傳

公名繼堯。字夢賡。滇之會澤縣人。東大陸主人。其別號也。生而英異。四五歲。卽喜聽岳武穆精忠報國事。年十五。補博士弟子員。酷嗜王陽明學。致力於知行合一。畢生事業。實基於此。光緒甲辰。演選送留日陸軍學生。公與焉。入振武學校。最優等。畢業。入金澤第九師團礮兵第九聯隊。充入伍生。練習期滿。入士官學校。初公在振武校時。日京同盟會極盛。革命說倡。公入會。討論革命種種方法。與同志創設雲南雜誌。以爲開導社會之先聲。至是復創設武學社。刊行武學雜誌。以文字鼓吹輸入內地。公慷慨悲歌。咸寄於詩。所著東大陸主人言志錄。多成於此時。而辛亥革命成功之易。亦此時實種其因也。士官畢業後。適發生日政府搜索留學生事。蓋日人於軍事之重要書籍。嚴守秘密。不肯教授留學生。於是相約無論用何方法。務得此書。及事發。被搜。公以先期預防。得免憤然。思歸取道仁川。游漢城。攷察日人經營朝鮮政策。多所記載。游東三省。觀日俄戰處。藉以印證平日之所學。抵津。得當道資助。譯刊所得軍事秘密書二十餘種。送各樞要。以供叅攷。回滇。大府檄委督練公所叅謀處提

會澤文牘上卷

調兼講武堂教官。調充第十九鎮正叅謀官。旋委七十四標第一營管帶。仍兼講武堂教授。因闡發民族主義。爲宵小中傷。解兵柄。委講武堂監督。斯時一般軍士學生。種族思想已勃不可遏矣。辛亥八月十九日。武昌首義。公與同志密謀響應。議分兵二路。蔡君松坡謝君幼臣等。各率步礮兵。攻取軍械局。庾君澤普率礮兵由巫家壩連合公所率步隊進城。攻取督署。而沈君石泉及講武堂諸同志。率講武學生開東西城接應。於九月九日舉義。公率軍由小東門入。遇敵機關鎗堵擊。巷戰敗之。庾君澤普率軍由小西門入。與公合攻督署。清大吏相率逃匿。擒斬敵軍主要數人。翌明遂克督署。而攻取軍械局之捷音亦至。議組織軍都督府於五華山。舉蔡公松坡爲都督。其下分設軍政軍務參謀三部。公任軍政參謀。兩部次長。兼講武學校總辦。收集陸軍小學生體育學生合講武學生。開辦陸軍幹部學校。公兼任校長。適蒙自兵變。擾及滇越鐵路。法欲借口進兵。保護鐵路。公憤之。令幹部學校學生沿紫鐵路進兵之議。遂傾其時西南及沿江諸省。已相繼獨立。迨袁世凱出任內閣。遂有武昌劇烈之戰。太原潼關相繼告警。獨立各省羣起。北伐公爲滇北伐軍總司令。原議取道

永寧瀘州合援川滇軍。由重慶出秦晉以趨燕雲。會黔爲哥匪盤踞。黔民組織耆老會。派代表來滇乞援。公遂以北伐軍改道貴陽。代平匪亂。抵黔。匪負固不服。乃分兵攻擊南廠頭橋黔靈山等處。克之。並克城內各處兵匪。黔慶更生。留滇軍鎮攝。推公爲都督。公以原任北伐。固辭黔恐再遭荼毒。固留不得。已公允。暫緩一月。乃不旬日。而清帝退位。南北統一。北伐軍一律中止。而黔民已公電中央。請任公督黔。奉中央電令爲貴州都督。公乃就任。組織軍政機關。設軍都督府本部。設衛戍司令部。及參謀、參議、軍務、政務等處。籌餉、防務、民團、各局。開辦陸軍講武學校。綱舉目張。庶政咸理。壬子正月十五日。太夫人歿。公哀毀。欲奔喪。黔人以公去留爲治亂所關。舉古人奪情視職者以勸。公乃電中央請假百日。守制以參謀長庾恩陽代理篆務。未幾而陳開釗據銅仁。廣西洪匪據黎平。古州安桂林。擾威寧。水城川匪竄正安。而遵義魯瀛又復擅殺官長。據城以叛。下流匪衆亦煽回黔之軍。力圖擾亂。公皆次第討平之。復遣員招撫黔軍。以爲弭亂未然之計。而陳開釗、席正銘、田荊春等煽惑黔軍一部。並率湘境流亡黔邊諸苗。號稱數萬。連陷松桃江口。進圍銅仁。官軍不滿千。憑城誓

死敵梯肩登城血肉相搏槍聲隆隆七晝夜不息下流震動全黔驚惶公從容策應卒賴救平黔人立祠祀公良有以也癸丑十月前滇督蔡公松坡解任入都中央移公督滇公以滇毗強鄰非強兵無以應外非練將無以強兵故汲汲以擴充講武學校爲要圖並設將校講習會親任授課其精神團結不啻家人父子故大理楊春魁臨安張祿等亂一鼓而平如湯沃雪旋以開武將軍兼巡按使輕車出巡蒐簡軍實問民疾苦而吏治一振又以滇地瘠民貧實業未興設農林畜牧紡織墾殖水利各局以開富源擴充富滇殖邊兩銀行以活金融取消集團以維社會道德籌設男女工廠以裕平民生計振興學校以培植人材百廢俱舉人民熙熙如登春臺異日舉義上下輯睦閭閻樂輸皆公教養生息有以致之當帝制未發生以前公對於袁氏之蹂躪國會解散議員以及設立參政院代行立法院種種專擅卽喟然謂僚屬曰袁氏將不安於總統之位設有不法擅更國體當與中原豪傑共除之四年秋籌安會初萌公勃然曰余前言殆不幸而中雖然余誓不與此叛國者共戴一天於九月十一日招集軍界中堅諸人密議約定三件一、積集提倡部下愛國精神二、準備武

裝預備作戰三、嚴守秘密十月初七日復召集軍界中堅數人議定起義時機有四、一、中部各省有一省可望響應時二、黔桂川有一省可望響應時三、海外同志或華僑接濟餉糈時四、以上三時機均歸無效時本省爲民國存亡爭持人格計亦須起而反抗復於十一月初三日仍召集軍界中堅諸人議定外須虛與委蛇內須嚴防奸細煽惑軍心等件然深慮滇省以一隅而抗全局其兵力器械皆應早爲籌畫藉增防爲名擴充軍隊其擴張之策一、招集退伍兵士二、召集賦閑軍官三、編練警衛兩團四、招添講武學員五、添練新兵六、徵補各團營缺額七、籌備軍需軍械復以滇省發難之後如無聲援恐勢孤力弱議定對外之策有四一、密與貴州軍界約二、招納海內外同志三、派員赴各省聯絡四、派員偵查各省軍情未幾假民意之製造已成大典籌備處之叛跡已昭公以彼製造民意之僞電足爲盜國鐵證執此以告國人彼雖狡詐百喙莫辭於是積極進行準備然外仍表示鎮靜與袁氏爲表面上之敷衍嗣松坡被查封既赴日本公密電招之並聞李協和已至港乃派鄧泰中往港滬並招致之維時統率辦事處迭有密拏黨首某某諸人之電至滇十二月十二日

復有准以全權便宜處置。無論何人。但有謀亂情形。立置於法之電。是時海防河內老街一帶。袁探密如蛛網。公心慮之。復派唐繼禹借名調查自來水機。至海防迎致蔡李。陰爲保護。十二月中旬。蔡李兩公先後抵蒙。自袁氏偵知。密電阿迷縣知事張一鵬相機暗殺。事爲公知。密電駐蒙劉師長祖武嚴防。偕同唐繼禹等送蔡李諸公到省。一鵬料事洩懼而逸。卒獲之。殲焉。舉義前大會於公之私第。與會者蔡鏗、任可澄、李烈鈞、羅佩金、戴戡、劉祖武、張子貞、庾恩陽、方聲濤、顧品珍、熊克武、由雲龍、龔振鵬、唐繼禹、趙又新以及各旅長團長等。皆此次護國重要人物也。議既定。有謂宜設臨時元帥府。推公爲臨時元帥者。與議重要人亦主之。公意不謂然。且謂吾輩此舉專爲推倒帝制。重建共和。曾經一再申明。無一毫權利思想。若遽以元帥自稱。是小丈夫爭權奪利者之所爲。非吾輩所宜行也。且雲南雖據西南上游。有席捲蜀湘。旁通兩粵之勢。但地瘠民貧。交通不便。以之首先發難。則可。若以一隅而抗全局。究不免螳臂當車之慮。故首義而後。甚望各省鑒此苦衷。同時響應。然後公推賢能。組織政府。較爲正正堂堂。且按照約法。應推黎公繼任大總統。衆議趨之。仍主以都督名。

義號召指揮。次日復歃血爲盟。於二十三日發電促袁氏取銷帝議。懲辦禍首楊度等十三人。以謝天下。限次日答復。至二十四日。袁無答復。遂宣布獨立。公意欲出任總司令。留蔡籌戰守。衆議仍推公爲都督。公屢辭不獲。乃任蔡松坡爲第一軍總司令。李協和爲第二軍總司令。分道出師。公坐鎮滇中。統籌全局。並兼領第三軍總司令。正月黔省表決一致行動。不一月各軍屢戰皆捷。南北震動。旋因龍氏以數萬人擾亂南防。川軍更以數千相率入寇。並分兵擾我適要各地。出征各軍復失勝利。楚歌四起。風鶴皆驚。其時尙有一片之安甯土者。惟省城一隅而已。公乃分遣軍隊。應變設策。未及旬日。各處皆次第克復。從此敵勢日衰。而根本重要之地亦漸底於平。及三月中旬。廣西獨立。未幾湘、粵、浙、蜀、秦、相繼響應。護國軍聲威遂大震於天下矣。各都督以外交財政軍事一切計畫。必須有統一機關。以爲總匯。對內對外始免紛歧。乃由梁任公草就軍務組織條例。互選公爲撫軍長。岑春煊爲副長。梁啓超爲政務委員長。蔡鍔、劉顯世、陸榮廷、陳炳堃、李烈鈞、呂公望、戴戡、羅佩金、劉存厚等爲撫軍。軍務院既成立。袁氏益窘。乃取消帝制。猶欲保全總統地位。時亦有調和。仍擁袁

氏爲總統者公通電主張論理論法非袁氏退位斷無罷兵之理於是添編護國至八軍以期最後之決勝袁氏憂憤而死黎公依法繼任大總統公以元首得人大局可望奠定乃毅然通電撤消軍務院以斬早歸統一是時對於政局各方面主張不一更通電主張四則一恢復二年舊約法二召集國會三懲辦禍首十三人四召集軍事會議以決善後大總統皆次第舉行國慶日授公以勳一位暨一等大綬嘉禾章以隆崇報公辭不獲乃受之臨事不避難成事不居功立身報國具有本末如公者可以風矣

復有准以全權便宜處置。無論何人。但有謀亂情形。立置於法之電。是時海防河內。老街一帶。袁探密如蛛網。公心慮之。復派唐繼禹借名調查自來水機。至海防迎致蔡李。陰爲保護。十二月中旬。蔡李兩公先後抵蒙。自袁氏偵知。密電阿迷縣知事張一鷗相機暗殺。事爲公知。密電駐蒙劉師長祖武嚴防。偕同唐繼禹等送蔡李諸公到省。一鷗料事洩。懼而逸。卒獲之。殲焉。舉義前大會於公之私第。與會者蔡鏐。任可澄。李烈鈞。羅佩金。戴戡。劉祖武。張子貞。庾恩暘。方聲濤。顧品珍。熊克武。由雲龍。龔振鵬。唐繼禹。趙又新。以及各旅長團長等。皆此次護國重要人物也。議既定。有謂宜設臨時元帥府。推公爲臨時元帥者。與議重要人亦主之。公意不謂然。且謂吾輩此舉。專爲推倒帝制。重建共和。曾經一再申明。無一毫權利思想。若遽以元帥自稱。是小丈夫爭權奪利者之所爲。非吾輩所宜行也。且雲南雖據西南上游。有席捲蜀湘。旁通兩粵之勢。但地瘠民貧。交通不便。以之首先發難。則可。若以一隅而抗全局。究不免螳臂當車之慮。故首義而後。甚望各省鑒此苦衷。同時響應。然後公推賢能。組織政府。較爲正正堂堂。且按照約法。應推黎公繼任大總統。衆議。羣之。仍主以都督名。

義號召指揮。次日復歃血爲盟。於二十三日發電促袁氏收銷帝議。懲辦禍首楊度等十三人。以謝天下。限次日答復。至二十四日。袁無答復。遂宣布獨立。公意欲出任總司令。留蔡籌戰守。衆議仍推公爲都督。公屢辭不獲。乃任蔡松坡爲第一軍總司令。李協和爲第二軍總司令。分道出師。公坐鎮滇中。統籌全局。並兼領第三軍總司令。正月黔省表決一致行動。不一月各軍屢戰皆捷。南北震動。旋因龍氏以數萬人擾亂南防。川軍更以數千相率入寇。並分兵擾我適要各地。出征各軍復失勝利。楚歌四起。風鶴皆驚。其時尙有一片之安甯土者。惟省城一隅而已。公乃分遣軍隊應變設策。未及旬日。各處皆次第克復。從此敵勢日衰。而根本重要之地亦漸底於平。及三月中旬。廣西獨立。未幾湘、粵、浙、蜀、秦、相繼響應。護國軍聲威遂大震於天下矣。各都督以外交財政軍事一切計畫。必須有統一機關。以爲總匯。對內對外始免紛歧。乃由梁任公草就軍務組織條例。互選公爲撫軍長。岑春煊爲副長。梁啓超爲政務委員長。蔡鍔、劉顯世、陸榮廷、陳炯明、李烈鈞、呂公望、戴戡、羅佩金、劉存厚等爲撫軍。軍務院既成立。袁氏益窘。乃取消帝制。猶欲保全總統地位。時亦有調和仍擁袁

氏爲總統者公通電主張論理論法非袁氏退位斷無罷兵之理於是添編護國至八軍以期最後之決勝袁氏憂憤而死黎公依法繼任大總統公以元首得人大局可望奠定乃毅然通電撤消軍務院以薪早歸統一。是時對於政局各方面主張不一更通電主張四則一恢復二年舊約法二召集國會三懲辦禍首十三人四召集軍事會議以決善後大總統皆次第舉行國慶日授公以勳一位暨一等大綬嘉禾章以隆崇報公辭不獲乃受之臨事不避難成事不居功立身報國具有本末如公者可以風矣。

中華護國三傑傳廣告

墨江楓漁庚恩陽著

雲南首義護國豪傑投袂奮起文經武緯濟濟一時就中惟會澤唐公邵陽蔡公武寧李公尤爲傑出故或主持全局或獨當一面無不各奏奇勛卒成大事編者以三公先後同學東瀛後復同事真貽今又同倡大義擁護民國出身遠地懷抱才略事功靡不相同特以龍門合傳走筆編爲此書約二萬餘言中傳論三公皆自出見解不同凡庸內外崇拜三公者得此珠聯璧合之傑作讀之當益爲神旺也中插三公肖像全書洋裝一冊於陽曆四月出版價目另定

總發行所雲南圖書館
代售處全國各大書坊

中華歷代
國外建功
三十六大軍事家列傳

墨江楓漁庾恩陽輯著

中國歷史自黃帝以來足爲軍人模範之大軍事家代不乏人顧對內之軍事家雖多而對外之軍事家實尠編者軍人也爰就平日所服膺者自黃帝擒殺蚩尤擴張領土以來如戰國時之趙武靈王李牧秦之蒙恬漢之衛青霍去病張騫陳湯傅介子班超馬援竇憲三國之士燮晉之謝玄唐之薛仁貴李勣郭子儀宋之寇準狄青宗澤岳飛韓世忠元之成吉思汗明之常遇春成祖鄭和戚繼光張輔王驥鄭成功袁崇煥清之年羹堯福康安左宗棠鮑超楊玉科共得對外之大軍事家三十六人輯刊列傳凡屬軍人暨崇拜古英雄者不可不人手一編俾知吾中國所以有今日廣漠無垠之疆域成爲偉大莊嚴之中華民國胥拜歷代國外建功諸大軍事家之賜也全書洋裝一巨冊 於陽曆四月出版價目另定

總發行所雲南圖書館
代售處全國各大書坊